

Sri Ayu Kartika Amri  
kartika@hmetro.com.my

Kuala Lumpur

**P**erbadanan Ekonomi Digital Malaysia (MDEC) yakin perubahan barisan kepimpinan utama dalam agensi itu sebahagian daripada usaha merealisasikan visi baharu dan transformasi industri digital negara.

Ketua Pegawai Eksekutif MDEC, Surina Shukri berkata, ketika negara berdepan tempoh waktu tidak pernah dilalui, perubahan tidak dapat dielakkan.

Katanya, pandemik Covid-19 menuntut keperluan terkini dalam amalan norma baharu, manakala perniagaan tidak seperti kebiasaan.

“Kami menyedari transformasi dan penerapan digital sangat penting bagi masyarakat dan industri untuk memanfaatkan peluang baharu.

“MDEC yakin struktur kepimpinan yang bertenaga, efisien dan kolaboratif mempercepatkan jangkauan masa untuk mencapai visi masyarakat pertama di zaman teknologi Revolusi Perindustrian 4.0 (4IR) yang membawa kepada kemakmuran bersama untuk semua dan visi Malaysia 5.0.

“Misi transformasi MDEC ini termasuk membawa bakat baharu dari sektor swasta dan awam ditambah pendekatan dan pemikiran baharu dan objektifnya masih jelas dalam memperhebatkan inisiatif MDEC mengembangkan ekonomi digital negara,” katanya da-

# Transformasi industri digital

*Perubahan barisan kepimpinan MDEC sebahagian usaha realisasi visi baharu*

lam kenyataan.

Menurutnya, kepimpinan utama bekerjasama dengan pengerusi dan lembaga pengarah untuk mencipta semula MDEC ke arah masa depan lebih holistik.

Laporan media sebelum ini menyatakan berlaku peletakan jawatan besar-besaran dan mengaitkannya dengan krisis dalaman.

Sementara itu, Pengerusi MDEC, Datuk Dr Rais Hussin berkata, ketika

melaksanakan misi penciptaan semula, MDEC melihat berlaku pergerakan di semua peringkat.

“MDEC menyedari dan mengambil tindakan membawa bakat serta teknokrat

baru yang berfokus pada industri untuk membantu melonjakkan visi digital negara ke arah Revolusi Industri 4.0,” katanya.

Antara bakat baharu MDEC adalah mereka yang pernah berkhidmat di sektor swasta seperti IBM, Microsoft, Celcom, Touch 'n Go, Astro, Edelman, pemula niaga teknologi dan Media Prima.

Ini membolehkan MDEC memimpin ekonomi digital untuk memberi manfaat kepada rakyat.

Kepimpinan baharu MDEC yang meninggalkan agensi itu sejak Oktober 2020 adalah Naib Presiden Digital Kreatif, Hasnul Hadi Samsudin, Pengarah Sumber Manusia, Suzana Nawardin, Ketua Pegawai Operasi, Datuk Ng Wan Pen, Naib Presiden Fintech dan Digital Ekonomi Islamik Norhizam Abdul Kadir, Naib Presiden dan Ketua Pegawai Kewangan, Nor Faizah Othman, Naib Presiden Digital Investments, Hew Wee Choong; Ketua Pegawai Maklumat, Abdul Malick Aboobakar dan Pengarah, Nordarzy Razak Norhalim.



*Kami menyedari transformasi dan penerapan digital sangat penting bagi masyarakat dan industri untuk memanfaatkan peluang baharu”*

**Surina Shukri**

